

# Powšitkowne WOZJEWJENJA

njedźelu, 31. meje 2026

## Nabožne wusyłanja w serbskim rozhłosu

Ewangelske nabožne wusyłanje w Serbskim rozhłosu MDR ma tutu njedźelu, 31. meje, Serbski superintendent na wuměniku farar Jan Malink z Budyšina. Wotkaz na nabožne wusyłanje w mediatece MDR je pod [www.posol.de](http://www.posol.de) podaty, zdobom chowa so za QR-codom.

## Literarna kofejownja

Mjez tym 90. literarna kofejownja Budyskeho ekumeniskeho tachantskeho wobchoda budže srjedu, 10. junija, w rumnosćach Budyskeje wokresneje ludoweje university, Wulka Bratrowska hasa 6. Započatk je w 19.00 hodź. Něhdyši intendant Serbskeho ludoweho ansambla Wolfgang Rögner předstaji swoju přerjnu publikaciju „Die phantastischen Abenteuer des Malte Blomberg“. Je to kniha za dźěći, młodostnych a dorosceny, kotřiž su młodzi wostali, kaž w připowědženju rěka. Po čitanju změja zajimcy přiležnosć, sej knihu kupić a signować dać. Zastup je darmotny, wo dary proša.

## Sinfoniski koncert

Bjarnat Krawc a Sergej Rachmaninow stej taj w srjedźišću dalšeho sinfoniskeho koncerta Serbskeje komorneje filharmonije. Wón je tutu njedźelu, 31. meje, w 17.00 hodź. na žurli Budyskeho Serbskeho ludoweho ansambla. Wot 16.30 hodź. poskića zawod do koncerta. Wot Bjarnata Krawca zaklinči sinfoniska suita za orchester „Ze serbskeje zemje“. Zastupne lisćiku su online na předaň. Link je pod [www.posol.de](http://www.posol.de) podaty.

## Nalětni koncert chóra Lipa

Chór Lipa přepróšuje zhromadnje z Křesćansko-socialnym kubłanskim skutkom Sakskeje wšitkich zajimcow na nalětni koncert, kotryž wuhotuje tutu njedźelu, 31. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo zhromadnje z Błótowskim žónskim chórom z Lubina, kotryž wustupuje w błótowskej serbskej drasće, kaž tež z Lipjanskej dźěčinu Lipki. Wot 15.00 hodź. poskića tam kofej a tykanc.

## W serbskim chórze na putnikowanju dźěći sobu spěwać

Na lětušim putnikowanju dźěći ze wšeho biskopstwa do Róžanta, kotrež budže srjedu, 8. julija, wobrubitej zhromadny dźěćacy chór Drježdžansko-Mišnjanskeho a Zhorjelskeho biskopstwa kaž tež projektowy chór serbskich dźěći Božu mšu a nyšpor. Dźěći, kotrež chcedza tón dzeń w serbskim chórze sobu spěwać, su lubje witane. Spěwy nazwučuja sobotu, 20. junija, wot 9.00 do 11.00 hodź. a sobotu, 4. julija, wot 10.00 do 11.30 hodź. we Worklečanskim Don Boskowym domje. Wobě probje stej wuměnenje za spěwanje w projektnym chórze. Přizjewjenja přijimuja hač do pónđzele, 15. junija, online. Link je pod [www.posol.de](http://www.posol.de) wozjewjeny.

## **Putnikowanje do Krupki**

Lětuše putnikowanje młodžiny do Krupki je wot njedźele do pjatka, 26. do 31. julija. Putniske kemše w Krupce budu srjedu, 29. julija, w 10.00 hodź. Štóž chcył kemši z busom sobu jěć, měł so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

## **Pytaja serbskich spěwarjow**

Za lětušu chórowu akademiju Budyskeho Rotaryjoweho kluba pytaja serbskorěčnych spěwarjow. Třećina spěwow koncertneho programa wobsteji ze cyklesa „Počasy“ Korle Awgusta Kocora a Handrija Zejlerja. Cil chóroweje akademije pod nawodom Friedemanna Böhme je beneficny koncert njedźelu, 11. oktobra, w Budyskej Michalskej cyrkwi. Wunoški wěnuja so na dobro swětoweho programa Rotaryjoweho kluba k wutupjenju spinalneje mortwicy (Kinderlähmung) pod hesłom „END POLIO NOW“. W přihoće móža sej zajimcy swój hlós z Wandu Wokowej wosobinsce kubłać. Proby wotměja so stajnje srjedu w 19.00 hodź. w Budyskim Schillerowym gymnaziju, započejo 3. junija. Wšitke dalše terminy su pod [www.posol.de](http://www.posol.de) podate. Zajimcy měli so hač do kónca meje z mejlku na [chorakademiebautzen@gmail.com](mailto:chorakademiebautzen@gmail.com) přizjewić.

## **Džěci z hajnikom do Božeje stwórbu**

Sekcija swójby Towarstwa Cyrila a Metoda z.t. (TCM) přeprašuje džěci 4. a 5. lětnika, so sobotu, 13. junija, zhromadnje z klósterskim hajnikom Guidom Budarjom z Božej stwórbu bliže zeznajomić. Wone zetkaja so w 10.00 hodź. w Smječkecach při hajnkowni, Winicowa 13 (Weinbergstraße), hdžež so zarjadowanje w 14.00 hodź. tež skónči. Wottam podadža so pěši na puć po lěsu, zo bychu Božu stwórbu widźeli, słyšeli a čuli. Za to trjebaja krute črije a wotpowědnu drastu. Pućowanje wotměje so tež při špatnym wjedrje. Mjez druhim móža wobdžělnicy štomiki a druge rostliny sadžeć. Přinošk wučinja tři eura na džěco. Wobdžělic móže so jeničce 20 džěci. Wotkaz za přizjewjenje je pod [www.posol.de](http://www.posol.de) podaty.

## **Zjězd biskopstwoweje młodžiny w Pančicach-Kukowje**

Młodostni z cyłego Drježdžansko-Mišnjanskeho biskopstwa – tež serbscy – su přeprašeni, pěši abo z kolesom zhromadnje do klóstra Marijineje hwězdy w Pančicach-Kukowje putnikować. Tam wotměje so sobotu a njedźelu, 13. a 14. junija, zjězd biskopstwoweje młodžiny. Wobsteji móžnosć so 20 respektiwnje 50 kilometrow z kołom abo 7 respektiwnje 12 kilometrow pěši na puć podać. Po puću su přestawki a impulsy planowane. Sobotu budže w klóštrje pisany program ze wšelakimi džělarničkami, modlenjom a spěwanjom. Nazajtra, njedźelu, budže zhromadna Boža mša z diecezanskim młodžinskim dušepastyrjom Michaelom H. Kreherom. Link k dalším informacijam a k přizjewjenju je online pod [www.posol.de](http://www.posol.de) wozjewjeny.

## **Prózdnińska jězba za 4. do 8. lětnik**

Dekanatne dušepastyrstwo za džěci a młodžinu we Worklecach přeprašuje šulerki a šulerjow nětčišeho 4. do 8. lětnika w lětnich prózdninach na jězbu do Zhorjelca. Wona wotměje so wot pónđzele do pjatka, 3. do 7. awgusta. Swójski přinošk na wobdžělnika wučinja 130 eurow. Přizjewjenja přijimaja hač do njedźele, 31. meje, online. Link na wotpowědnu stronu je pod [www.posol.de](http://www.posol.de) wozjewjeny.

## **Ministrantska kopańca**

Koparski turněr ministrantow ze serbskich wosadow sobotu, 27. junija, w Pěskecach. Započatk budže w 9.00 hodź. z Božej mšu we wjesnej kopańce.

## **Pasionske hry w Awstriskej**

Radworske Šmitec-Schwarzec wozydłownistwo přeprošuje na putniku jězbu k pasionskim hram do awstriskeho St. Margarethena, kotraž so wot pjatka do wutory, 26. do 30. junija, wotměje. Předstajenje budže tam pod hołym njebjom před kulisu skały. Nimo toho poskićuja kołojězby. Zajimcy móža so pola Šmitec-Schwarzec wozydłownistwa w Radworju přizjewić, telefonowe čisło (03 59 35) 28 60. Městna su hišće swobodne.

## **Na musical „Jesus Christ Superstar**

Dalša jězba Radworskeho Šmitec-Schwarzec wozydłownistwa pod hesłom „Wěra zetka hudźbu“ budže wot póndžele do štwórtka, 10. do 13. awgusta, do Erfurta. Wobdźělnicy wopytaja mjez druhim klóšter awgustinow a tamniši měšniški seminar. Dale wobdźěla so na Erfurtskich domowych swjedženskich hrach, hdžež předstaja musical „Jesus Christ Superstar“. Přizjewjenja přijimuje Šmitec-Schwarzec wozydłownistwo w Radworju, telefonowe čisło (03 59 35) 28 60.